

# Asesiad Effaith Cydraddoldeb

Gweler y daflen *Sut i Wneud Asesiad Effaith Cydraddoldeb* am gymorth i lenwi'r ffurflen yma. Mae croeso hefyd i chi gysylltu gyda Delyth Williams, Swyddog Polisi a Chydraddoldeb ar est 32708, neu [DelythGadlysWilliams@gwynedd.llyw.cymru](mailto:DelythGadlysWilliams@gwynedd.llyw.cymru), am gymorth pellach.

Mae'n ofynnol i'r Cyngor (dan Ddeddf Cydraddoldeb 2010) i ystyried yr effaith fydd newid mewn unrhyw bolisi neu weithdrefn (neu greu polisi neu weithdrefn o'r newydd), yn ei gael ar bobl hefo nodweddion cydraddoldeb gwarchoddedig. Mae gan y Cyngor hefyd ddyletswyddau cyffredinol ychwanegol i sicrhau tegwch a meithrin perthnasau da. Rhaid felly gwneud Asesiad Effaith Cydraddoldeb amserol cyn gwneud penderfyniad ar unrhyw newid perthnasol (h.y. sy'n cael effaith ar bobl hefo nodwedd gwarchoddedig).

## I Manylion

### I.1 Beth yw enw'r polisi / gwasanaeth dan sylw?

Adroddiad Ffioedd a Chynlluniau Parcio 2024

### I.2 Beth ydi pwrpas y polisi/gwasanaeth sy'n cael ei greu neu ei newid? Pa newidiadau sy'n cael eu hystyried?

Nod y newidiadau arfaethedig yw:

- Gweithredu cynlluniau arbedion sydd wedi eu cymeradwyo yn 2023/24.
  - Cynyddu ffioedd parcio ym Mhen y Gwryd
  - Cynyddu pris tocyn parcio blynyddol o £140 i £145 a thocyn parcio lleol o £70 i £75 y flwyddyn.
- Gweithredu cynlluniau arbedion ar gyfer 2024/24 sydd angen ystyriaeth pellach.
  - Addasu strwythur ffioedd parcio arhosiad hir Band 2.
  - Ymestyn oriau gorfodi mewn meysydd parcio arhosiad byr.
- Cynyddu'r holl ffioedd parcio 40% i gwrdd â thargedau'r gyllideb.

Mae'r newidiadau hyn yn angenrheidiol i fynd i'r afael â diffyg sylweddol yn y gyllideb a wynebir gan Adran Amgylchedd Cyngor Gwynedd.

### 1.3 Pwy sy'n gyfrifol am yr asesiad yma?

Gerwyn Jones, Pennaeth Cynorthwyol – Adran Amgylchedd  
Ceri Thomas – Rheolwr Parcio a Gwaith Stryd

### 1.4 Pryd wnaethoch chi gychwyn yr asesiad? Pa fersiwn yw hwn?

Mae materion cydraddoldeb wedi cael ystyriaeth wrth i'r cynigion gael eu datblygu. Mae rhain wedi eu cynnwys yn yr asesiad yma a baratowyd ym mis Medi 2024.

## 2) Gweithredu

### 2.1 Pwy yw'r partneriaid fydd yn rhaid gweithio hefo nhw i wneud yr asesiad yma?

Gwasanaeth Parcio

Adran Gyllid

Pwyllgor Craffu Cymunedau

### 2.2 Pa gamau ydych chi wedi ei cymryd i ymgysylltu gyda pobl hefo nodweddion gwarchoddedig, ynglŷn â'r iaith Gymraeg neu â chymunedau (un ai oherwydd lleoliad neu oherwydd angen) sy'n byw ag anfantais economaidd-gymdeithasol?

Mae'r broses ymgynghori a doddi rhybudd yn y wasg yn rhan o'r drefn a gall aelodau'r cyhoedd rhoi eu sylw neu wrthwynebiadau neu roddi barn positif drwy'r broses statudol yma.

Mae'n ofyn hanfodol i'r Cyngor hysbysebu'r newidiadau arfaethedig yn y papurau newydd lleol yn ogystal ag arddangos y wybodaeth (cynnwys y ffioedd newydd) mewn safle amlwg yn y meysydd parcio a cheir eu heffeithio.

Ni fydd unrhyw newid i gynllun parcio ar gyfer pobl anabl.

### **2.3 Beth oedd canlyniad yr ymgysylltu?**

Amlygodd adborth cychwynnol gan Bwyllgor Craffu'r Cyngor bryderon byddai'r ffioedd newydd yn llawer rhu ddrud i drigolion lleol yn enwedig rhai sydd ar gyflogau bychain.

### **2.4 Ar sail pa dystiolaeth arall ydych chi'n gweithredu?**

Adroddiadau ariannol yn nodi'r diffygion yn y gyllideb.

Adolygiadau strwythur ffioedd parcio blaenorol.

Cymariaethau ffioedd gydag Awdurdodau Lleol cyfagos.

Nid yw'r ffioedd talu ac arddangos wedi newid ers 2021 hyd yn oed i adlewyrchu cyfraddau chwyddiant.

Mae'n hanfodol ein bod yn adolygu'r ffioedd i sicrhau bod digon o incwm i gwrdd â'r bwlch ariannol yng nghyllideb y Cyngor.

### **2.5 Oes yna unrhyw flychau yn y dystiolaeth sydd angen ei gasglu?**

### 3) Adnabod yr Effaith

3.1 Mae'n rhaid i'r Cyngor roi sylw dyledus i'r effaith fydd unrhyw newidiadau'n ei gael ar bobl hefo nodweddion cydraddoldeb isod. Beth yw'r effaith fydd y polisi neu wasanaeth newydd neu'r newidiadau arfaethedig yn ei gael ar bobl hefo'r nodweddion hyn? Mae croeso i chwi ychwanegu nodweddion eraill os ydych chi'n dymuno.

Nodweddion	Sut fath o effaith? *	Ym mha ffordd? Beth yw'r dystiolaeth?
<b>Hil (gan gynnwys cenedligrwydd)</b>	Niwtral	Mae newid i'r strwythur ffioedd yn debygol o effeithio trigolion lleol ac ymwelwyr cystal a'i gilydd.
<b>Yr iaith Gymraeg</b>	Dim	Byddwn yn parhau i sicrhau fod arwyddion ac unrhyw feddalwedd newydd yn ddwyieithog.
<b>Anabledd</b>	Positif	Ni gynhigir unrhyw newidiadau i'r cynllun bathodynau glas felly ddim yn rhagweld effaith benodol i bobl anabl.
<b>Rhyw</b>	Dim	Dim yn rhagweld effaith benodol o ran rhyw.
<b>Oedran</b>	Positif	Mae'n ymddangos bod mwy o bobl oedrannus yn tueddu i fod yn anabl felly bydd canran uwch o bobl hyn ddim yn talu am barcio.
<b>Cyfeiriadedd rhywiol</b>	Dim	Dim yn rhagweld effaith benodol o ran cyfeiriadedd rhyw.
<b>Crefydd neu gred (neu ddiffyg cred)</b>	Dim	Dim yn rhagweld effaith benodol o ran crefydd neu gred (neu ddiffyg cred).
<b>Ailbennu rhywedd</b>	Dim	Dim yn rhagweld effaith benodol o ran ailbennu rhywedd.
<b>Beichiogrwydd a mamolaeth</b>	Dim	Dim yn rhagweld effaith benodol o ran beichiogrwydd a mamolaeth.
<b>Priodas a phartneriaeth sifil</b>	Dim	Dim yn rhagweld effaith benodol o ran priodas a phartneriaeth sifil.

**3.2 Mae'n ddyletswydd ar y Cyngor dan Ddeddf Cydraddoldeb 2010 i gyfrannu'n bositif i gymdeithas decach trwy hybu cydraddoldeb a pherthynas dda yn ei weithgareddau ym meysydd oedran, rhyw, cyfeiriadedd rhywiol, crefydd, hil, trawsrywedd, anabledd a beichiogrwydd a mamolaeth. Mae'n rhaid i'r Cyngor roi sylw dyledus i'r ffordd mae unrhyw newid yn effeithio'r dyletswyddau yma.**

<b>Dyletswyddau Cyffredinol y Ddeddf Cydraddoldeb</b>	<b>A yw'n cael effaith?*</b>	<b>Ym mha ffordd? Beth yw'r dystiolaeth?</b>
<b>Cael gwared â cham-wahaniaethu anghyfreithlon, aflonyddu ac erledigaeth</b>	Ydi	<p>Mae'n wir dweud fod teuluoedd sydd a pherson anabl yn y teulu yn tueddu i fod yn dlotach.</p> <p>Byddwn fel Cyngor yn parhau i beidio a chodi ffi parcio ar bobl anabl er mwyn iddynt gael mynediad at siopa a gwasanaethau eraill fel yr arfer.</p>
<b>Hyrwyddo cyfleoedd cyfartal</b>	Ydi	<p>Gall cynnydd yn y strwythur parcio wneud pethau'n fwy anodd i'r sawl sydd a'r gyflogau bychain.</p> <p>Rhaid cadw mewn cof hefyd bod y Cyngor yn cynnig Tocyn Parcio Blynyddol. Mae'r tocyn yn galluogi deilwyr i barcio mewn unrhyw faes parcio arhosiad hir ledled y Sir heb gyfyngiad amser. Yn unol â'r adolygiad hwn, mae argymhelliad i gynyddu cost am y tocyn hwn o £140 i £145 y flwyddyn (er mwyn cyfarch chwyddiant). Byddai deilwyr y tocyn sydd yn defnyddio maes parcio yn ddyddiol yn talu £12.08 y mis, sydd yn gyfwerth a 40c y dydd. Rydym o'r farn fod y tocyn yn parhau i gynnig gwerth am arian.</p> <p>Gall hwn fod yn ddatrysiad addas i bobl sydd a'r gyflogau bychain.</p> <p>Rydym hefyd yn cynnig tocyn parcio i drigolion ei brynu am £75 y flwyddyn. Rydym yn gwerthfawrogi fod prinder llecynnau parcio tu allan i gartrefi yn broblem oherwydd cynnydd yn y nifer o gerbydau. Mae'r tocyn hwn yn cynnig i drigolion barcio yn y maes parcio Arhosiad Hir agosaf i'w cartref.</p>
<b>Meithrin perthnasau da</b>	Ydi	<p>Wrth gadw'r cynllun bathodynau glas yr un fath a pharcio yn parhau i fod yn rhad ag am ddim i bobl anabl, maent yn parhau i fedru mynd allan a chymdeithasu gyda'r gymuned.</p>

#### 4) Dadansoddi'r canlyniadau

##### 4.1 Ydi'r polisi felly'n debygol o gael effaith sylweddol, bositif ar unrhyw un o'r nodweddion cydraddoldeb neu'r Ddyletswydd Gyffredinol? Beth yw'r rheswm am hyn?

Ni gynhigir unrhyw newidiadau i'r cynllun bathodynau glas. Mae dalwyr bathodynau glas yn parhau i gael parcio am ddim yn ein meysydd parcio a chaniateir iddynt barcio ar linellau melyn dwbl am gyfnod hyd at 3 awr.

Wrth gadw'r cynllun bathodynau glas yr un fath, maent yn parhau i fedru mynd allan a chymdeithasu gyda'r gymuned heb orfod poeni am gostau ychwanegol.

##### 4.2 Ydi'r polisi felly'n debygol o gael effaith sylweddol, negyddol ar unrhyw un o'r nodweddion cydraddoldeb neu'r Ddyletswydd Gyffredinol? Beth yw'r rheswm am hyn?

Na.

##### 4.3 Beth ddylid ei wneud?

Dewiswch un o'r canlynol:

Parhau gyda'r polisi / gwasanaeth gan ei fod yn gadarn	✓
Addasu'r polisi i ddileu unrhyw rwystrau	
Atal a dileu'r polisi gan fod yr effeithiau niweidiol yn rhy fawr	
Parhau a'r polisi oherwydd gellir cyfiawnhau unrhyw effaith niweidiol	

##### 4.4 Os yn parhau hefo'r cynllun, pa gamau fyddwch chi'n cymryd i leihau neu liniaru unrhyw effeithiau negyddol?

Amherthnasol.

**4.5 Os nad ydych yn gweithredu ymhellach i ddileu neu leihau effeithiau negyddol, esboniwch pam yma.**

**5) Monitro**

**5.1 Pa gamau fyddwch chi'n gymryd i fonitro effaith ac effeithiolrwydd y polisi neu wasanaeth (cynllun gweithredu)?**

Byddwn yn parhau i fonitro defnydd ein meysydd parcio.